



SAKSPAPIR

Saksnr	Utval	Type	Dato
79/2020	Kommunestyret	PS	27.10.2020

Sakshandsamar	Arkiv	ArkivsakID
Lin Tove Thomassen	FE-033	19/1345

INTERPELLASJON TIL KOMMUNESTYRET - EIN BREIBANDSPPLAN FOR HEILE VAKSDAL

Kommunestyret - Sak 79/2020

KOM - Behandling:

Interpellanten fekk ordet først for å fremja interpellasjonen.

Ordførar gav slikt svar:

Takk for interpellasjon, ein breibandsplan for heile kommunen vil vera eit viktig verktøy når me skal søkja om midlar til vidare utbygging. Ein slik plan er allereie tatt inn i planprogrammet som er sendt ut på høyring. Du peikar på mange viktige moment som bør inn i planen, og eg vil bidra til at dette vert inkludert når planen vert utarbeida. Breibandsutbygging i heile Vaksdal er også ei investering i innbyggjarane våre og positiv folketalsutvikling. Breibandutbygging er viktig for både vekst og vedlikehaldsvekst i dei delane av kommunen der det er svært dårleg/manglande dekning i dag.

Det vart så opna for debatt.

KOM - Tilråding/Vedtak:

Saksopplysningar:

Frå Ivar Bergo, Sp, ligg det føre slik interpellasjon:

INTERPELLASJON TIL KOMMUNESTYRET – Ein breibandsplan for heile Vaksdal.

Den 12. oktober vedtok eit samrøystes formannskap at «Vaksdal kommune tar inn breibandplan i sin planstrategi. Planen skal kartlegge behovet og vera grunnlag for søknad om statlege og fylkeskommunale midlar til breibandutbygging i Vaksdal. Planen skal sette eit mål for når alle husstandar i Vaksdal skal ha eit tenleg tilbod.»

Den 12. mars i år vart heimekontor den nye kvardagen for svært mange av oss. I mange næringar måtte både arbeidsgjevarar og tilsette omstilla seg fort og læra seg nye måtar å jobba på. Sjølv i periodar med låg spreining av smitte praktiserer mange arbeidsgjevarar 50/50 – deling eller liknande mellom kontor og heimekontor. Det er grunn til å tru at auka bruk av heimekontor vert den nye standarden, også etter pandemien. Dette kjem til å åpna dører for kommunar som Vaksdal. Lang pendleveg kan bli ei mindre utfordring for mange som ønsker å busetta seg utanfor dei største byane.

Det er om lag ingen som kan jobba heimefrå uten stabilt og raskt breiband. For at Vaksdal kommune skal vera ein attraktiv plass å busetta seg, må ein kunne kobla seg til raskt breidband i alle deler av kommunen.

Breiband er så mangt; fiber, 4G/5G, ADSL, satellitt. For statleg og fylkeskommunal finansiering er breiband definert som nedstrøms datafart på 30 megabit uavhengig av overføringsmedium. Andre kommunar har sett grensa ved 100 megabit fiber. Bør Vaksdal kommune ha eit like ambisiøst mål for sin breibandsplan?

Innbyggarinvolvering vert viktig i planprosessen. Rundt om i bygdene er det mange som engasjerer seg, og omfattande kartlegging er allereie gjort. I tillegg må ein lytta til innbyggjarane, til dømes gjennom brukarundersøkingar, for å få greie på kva behov som finst.

Spørsmål til Ordførar:

Vil ordførar bidra til at det vert sett i gong arbeid på administrativt nivå som

- sikrer god kartlegging av nosisasjonen for breiband i alle deler av kommunen?
- involverer Telenor og andre aktuelle utbyggarar av fibernett, med mål om utbygging av alle deler av Vaksdal kommune?
- involverer innbyggjarane i alle deler av kommunen for å finna dei beste løysingane?
- kartlegg kostnadane for kommune og innbyggjarar for alternativa?

Ivar R. Bergo, Senterpartiet